



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

15. Dies Augusti. Mariæ magis placet imitator devotus; quàm laudator otiosus. Ildephonsus serm. 1. de Assumpt. B. V.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

in seipsis pro dolor ! & propter seipsas amore prosequatur. Hæc quisquis legis, attende, expende, pave, & cave. Interim Religio, sive cultus Dei, & æstimationis, inter omnia sint tibi maximo in pretio. Nemo enim cultum Dei impunis neglexit, imò nec inter Ethnicos, Deorum. Cujus rei fidem faciet inter innumera exempla, unum : Cambyfes, Cyri filius, quinquaginta hominum millia misit ad Jovis Ammonis templum diripiendum, & incendio faciendum : at cum inter Oaxim, & Ammonios pransissent, subitâ ventorû tempestate, arenarum cumulis obruti sunt; nec ex tanto agmine nuntius repertus est. Si hæc Dii ! quid Deus ? sentiet pœnas in ultimo judicio, quas evasit in præfenti sæculo. De illo quid dicam, nisi cum vate :

*Ve misero mundo, veneris cum Christe secundo.*

## 15. DIES AUGUSTI.

Mariæ magis placet imitator devotus ; quàm laudator otiosus. *Ildephonsus serm. i. de Assumpt. B.V.*

Mariæ ad I.  
cœlum  
assumptio.

**S**olemnitas assumptæ in cœlum **MARIÆ** Virginis, est celebritas in tertis Mariæ Paschatis. Hæc juxta Tesseram, plus requirit eius cum vivendi integritate imitorem ; quàm cum dicendi facultate laudatorem. Porrò, rerum in hac virgine laudabilium, tanta est silva ; ut debeat in ubertate modum potius, quàm in jejunitate copiam aucupari. Habuimus antea advocatum apud Patrem, **JESUM** : nunc habeamus advocatam apud Patrem, & Filium, **MARIAM**. Ut antea à Patre, Filio, sic modò à Filio, Matri data est omnis potestas



Augustus.

Tessera.

637

in cælo, & in terra. Datum est illi, & jus omne dispensandæ gratiæ, & in omnes miseros effundendæ misericordiæ. Itaque dum Virgo ad cælum assumitur, spem inde sumamus, plus valituram Christi reverentiam erga suam Matrem; quàm nostram irareverentiam erga ipsum. Fatentur ipsi Ethnici, & inter illos, etiam Barbari, reverendos esse à Filiis parentes, ut Deos secundos: & quæ iis debentur, non posse ullis obsequiis solvi. Cùm igitur doctrina Christi excedat omnem captum Philosophiæ, cùm & ejus exemplum præcesserit humanam omnem opinionem; si Ethnici docuerint honorandos parentes; quomodò honorabit Filius Dei, Matrem suam? Illa fuit Gentilium observantia: qualis erit Christi perfectio? qui leges antiquas antiquandò perfecit, dum in amoris lege addidit inimicorum amorem: qui in castitatis præcepto, etiam concupiscentiam veritam docuit: quomodò ergò in mandato, quò præcipitur filiorum in parentes observantia, excellet honorando Matrem?

II. Aliis parentibus non est arbitrarium; Filium eligere quem velint gignere. Mariæ commissum est arbitrio, gignere, quem volebat Filium: voluit itaque, illum gignere, nec alium præter illum. Voluntas enim ejus toti rerum universitati expectatissima expectata fuit à Patre; expectata à Filio; exquisita à Spiritu sancto. A Patre, ut illius esset Filia; à Filio, ut illius esset Mater; à Spiritu sancto, ut illius esset Sponsa. Ideò Christus, quia gemino illi est obnoxius debito: altero Naturæ; altero Voluntatis: rependit debitum voluntatis, nihil negando ejus voluntati. Incomparabiliter majorem agnosce  
Chri-



Christus obligationem ergà matrem suam ; quam est aliorum Filiorum in Parentes. Imò , quis non stupeat ? Obligatio JESU ad MARIAM : est similis , ut sic loquar , obligationi creaturæ ad Creatorem. Ex beneficio Creationis nascitur debitum maximum ; quod Deus non modò nos procreavit , sed simul ; quod nos consilio elegerit ; & nos potius , quàm alios infinitos creare decreverit , tot aliis in immensa illa nihili abyssu relictis. Quàm hinc immanis emicat MARIÆ excellentia , cum simili obligatione illi obstrictus sit Deus ; quo creaturæ Deo : quæ obligatio est omni ex parte infinita. Et sicut juxta Philosophiæ placita , abesse ad non esse , est immensa distantia : ita & immensum est discrimen inter obligationem , quæ resultat ex illo beneficio , quo quis accipit esse & naturam , & obligationes ex aliis beneficiis communibus ortas , quæ supponunt substantiam.

III. Hinc jam texo hoc argumentum : si Deus in illos , qui infinitis nominibus illi sunt obstricti , est liberalitate suâ effusissimus ; imò , si in illos , qui eum enormibus flagitiis offenderunt , est benignitate clementissimus : quomodò avarus , aut immisericors erit ergà Matrem suam , cui est debitor , & tanta debet ? Quomodo negabit illi aliquod gratiæ privilegium , à quo tantum accepit beneficium ? Quid non dabit JESUS per MARIAM , à qua accepit vitam humanam ? Quid pro illa non faciet , ut illi satisfaciat , sicut Filii , quibuscunque vel beneficiis , vel obsequiis , vel officiis unquam possunt eradere debitum quo sunt parentibus obligati , propter unicum vitæ munus , quod est caput omniū munerum : & omnes



Augustus.

Tessera.

639

actiones, ac dona Filiorum, videntur propria parentum: quia si illis filiis benefaciunt, à parentibus acceperunt, undè possunt benefacere. Sic Filius Dei nihil potest negare Matri: cui debet, quod sit homo. Deinde, cùm det omnia per Matrem, jam eadem operà dat omnia Matri. Atque ita cogit nos illam venerari, & ad eam in quavis necessitate recurrere, ut nobis succurrat, cùm per illam necesse sit cuncta à Filio impetrare. Sicut igitur Christus ab illa accepit esse naturale, hoc est, naturam humanam: sic vult nos ab illa accipere esse supernaturale, hoc est, Gratiam Divinam: qua cùm simus adoptivi filii JESU: sumus & MARIÆ. Quid superest, quàm ut nos memores tanti beneficii, non simus immemores tanti debiti: sed si filii simus MARIÆ, faciamus opera MARIÆ: & sic tantis Parentibus pareamus, quod illis erit uberrima seges gaudii: quia

*Gaudet uterque Parens, dum Filius est benè Parens.*

## 16. DIES AVGVSTI.

Qui adoramus unum Patrem; quare non agnosimus unam Matrem? *S. Augustinus serm. de gestis cum Emerito.*

Adoratio. I.

**U**T agnoscant omnes unam Matrem in terris: sicut adorant unum Patrem in cœlis; res est magis voti, quàm spei.

Nos hïc de adorando uno Patre, compendio differemus. Inter actus Religionis, primus, est Adoratio, quâ homo supremam Dei Majestatem omni demissione veneratur; qui vocatur *latris*, & convenit soli